

Fijian - Drodro Vola Tabu - Protection Scriptures

Jeremaia 1:18 Mo raica mada, Au sa lesi iko e na siga oqo mo koro kaukauwa, ka mo duru kaukamea, ka bai varasa e na vanua taucoko - vei ira na tui Juta, vei ira na kena turaga, vei ira na kena bete, kei ira na lewe ni vanua.

Isikeli 3:18 "Ni'u sa tukuna vua na tamata ca, 'O na mate vakaidina,' ka o a sega ni solia vua nai vakasala, se vosa vua na tamata ca mo vakasalataki koya me biuta na nona sala ca, me vakabulai koya, na tamata ca ga o ya ena mate ena nona caka cala; ia na nona dra Au na taroga mai ligamu.

Jeremaia 6:27 "Au sa lesi iko mo vale cecere ena kedra maliwa na Noqu tamata, mo vale kaukauwa, mo kila ka vakatovolea kina na nodra i valavala.

Vunau Ni Soro 26:19 la ka'u na muduka na kaukauwa dou sa totoka kina; ka cakava na lomalagi me vaka na kaukamea vei kemudou, kei na nomudou qele me vaka na parasa.

Vakarua 23:5 "Na Kalou o Jiova sa sega dina ni via rogoci Pelami, ia, na Kalou o Jiova sa veisautaka na kalouca ki na kalouvinaka vei kemuni baleta ni sa rui lomani kemuni.

Roma 12:21 Me kakua ni rawai iko na ca, ia mo rawai koya ena nomu gumatua taka na caka vinaka.

Same 143:8,10 Au via rogoca na Nomuni loloma vakayalovinaka ena veimataka, Ni sai Kemuni ga au sa vakadinata; Vukei au me'u, kila na sala me'u dau lako tikoga kina, ni'u sa laveta cake tikoga na yaloqu vei Kemuni. 10 Mo Ni vakavulici au, me'u cakava na Lomamuni, Ni sai Kemuni na noqu Kalou; na Yalomuni sa rui vinaka. Ni tuberi au ki na vanua ni dodonu sara.

Same 94:12 Sa kalouvinaka na tamata o ni sa vakasalataka Jiova, ka vakavulica mai na Nomuni vunau,

Vakaibalebale 27:12 Na tamata qaseqase, sa raica e liu na ca qai lako vakatikitiki; o koya sa yallowai, sa lako ga yani ka sa vakamavoataki.

Filipai 2:16 Dou maroroya dei tiko na vosa ni bula, ka me'u sa reki ga ena siga i Karisito ni'u a sega ni cici wale se vakaogai

walega.

Aisea 49:4 Au a qai tukuna, 'Au sa oca ka sega na betena, Au vakayalia na noqu kaukauwa ka sega ni dua na ka au taura lesu, io na kequi sau dodonu dina ga sa tu vei Jiova, kei na noqu cakacaka sa tu vua na noqu Kalou."

Same 76:3 Mai ke'a sa musuka kina na dakai kei na kena gasau, nai sasabai kei na i seleiwau – Sela.

Iperiu 13:21 Me vakataucokotaki kemuni ena cakacaka vinaka kecega na veika sa vinaka e matana, ena vuku i Jisu Karisito, o Koya sa Nona na lagilagi kei nai ukuuku, me sega ni mudu, Emeni.

1 Koronica 16:15 Kemudou na veiwekani, dou kila vinaka na matavuvale nei Sitavana, ratou nai sevu sara ga ni lotu mai Akaia, nodratou bula taucoko ratou sa musuki ratou sara ga ena nodra qaravi ka vupei na tamata lotu-

Filipai 1:27 Nai tukutuku vinaka i Karisito me rau salavata tiko kei na nomudou i valavala, ni'u tiko me'u raici kemudou se'u yali mai vei kemudou, au vinakata ga me'u rogoca ni dou tudei ka yalovata, qai gumatua ena lomavata, ka vakabauta tiko nai tukutuku vinaka,

1 Koronica 15:58 O koya oqo, oi kemudou na wekaqu lomani, dou tudei tiko, kakua ni dou rawai rawarawa tu, me uasivi cake tikoga nomudou cakacaka vua na turaga, ka modou kila sara, sa sega ni ka wale na nomudou cakava na cakacaka ni turaga.

Kolosa 4:12 O Epafira e dua ga vei kemudou sa loloma tu yani, e sega ni dau cegu nona dau nanumi kemudou ena nona qaqa ni masu, ka masu mo dou tudei ka cakava tiko na loma ni Kalou.

2 Tui 19:34 'Ni'u na taqomaka na koro oqo, Me'u vakabula Ena Vukuqu kei na vuku i Tevita o koya na Noqu tamata."

Jeremaia 15:20,21 Ia Au na qisi iko mo bai varasa vei ira na tamata oqo. Era na veivala kei iko, ka ra na sega ni gumatua vei iko, Ni'u sa tiko vata kei iko me'u vakabulai iko, ka kaliraki iko, " sa tukuna o Jiova. 21 "Ia Au na kaliraki iko mai na ligadra na tamata ca, ka vakabulai iko mai na ligadra na daurerevaki."

Same 55:18 Sa vakabula na yaloqu o Koya e na vakacegu mai nai valu sa caka me baleti au. Ni ra sa lewe vuqa era sa cati au.

Isikeli 30:24 'Au na vakaukauwataka na liga i tui Papiloni ka solia

**na Noqui seleiwau ki na ligana; ia Au na musuka na liga i Fero,
ka na vutugu o koya e matana e na vutugu ni tamata sa mavo
vakaca sara.**

Vakatakila 3:18 "Au sa vakaraitaka oti vei iko mo mai volia vei Au
na koula sa vakatovolei oti ena bukawaqa, mo vutuniyau kina;
mo rawa ni tokara kina nai sulu vulavula sara, me tabonaka
nomu luvaiwale mai vei ira na tamata; na matamu talega mo
lumuta ena i lumu ni mata, me rawa ni o rai rawa.

1 Joni 3:17 **Ia o koya sa tu vua nai yau ni vuravura oqo, ka raica
na wekana ni vakaloloma tu, ka sega mada ga ni bau
kauwaitaki koya, e rawa vaka cava me tukuna ni tiko vua na
loloma ni Kalou?**

Aisea 50:4 "Sa solia vei Au na Kalou o Jiova, na yame sa
vakavulici rawa, me'u rawa ni kila kina na vosa Me'u rawa ni
vosa kina vua sa oca, ka sa dau vakayadrati Au o koya ena
veimataka, ka sa vakadirorogo na daligaqu, Me'u vakarorogo
me vakataki ira era sa vakatavulici.

Same 18:39 **Sai kemuni ga sa vakakaukauwataki au e nai valu; o
ni sa vakamalumalutaki ira, sa tu, me veivorati kei au.**

2 Samuel 22:40 **Ni o ni sa vakaiyaragitaki au ena kaukauwa ni
vala; O ni sa vakamalumalumutaki ira na kequ meca ena
vukuqu.**

Same 89:43 **O Ni sa vukica lesu na nona i seleiwau ka sega ni
vukei koya e nai valu.**

Isikeli 13:6 "Era sa raica na ka wale kei na vosa mana lasu, ka
vaka, 'Sa tukuna vakaoqo o Jiova!' **Ia o Jiova e a sega ni talai
ira; ia era a nuitaka ni na vakadinadinati na vosa.**

Vunau Ni Soro 26:37 **A ra na veibaleti, me vaka sa muri ira na i
seleiwau, ni sa sega e vakasava: ia ena sega vei kemudou na
kaukauwa mo dou tu kina e na matadra na nomudou meca.**

1 Koronica 14:8 **Kevaka me sega ni uvuci vinaka me vaka na
kenai vakarau na davui ni valu, ena qai rawa vakacava mera
vakavakarau kina i valu?**

Jope 15:24 **Sa vakarerei koya na rarawa kei na yaluma; Era
gumatua vua, me vaka na tui sa vakarau ki nai valu.**

1 Veigauna 12:8 **Eso na luve i Kata era sa la'ki to vata kei Tevita
mai na koro ni valu mai veikau, era tamata qaqa ni valu, era sa
vulici tu mera vala, era kila na taura nai sasabai kei na moto,**

**na matadra sa vaka na mata ni laione, ka ra sa totolo sara me
vaka na me kila ni vei ulu-ni-vanua:**

**1 Veigauna 12:33,38 mai vei Sevuloni era lewe limasagavulu na
udolu ka ra lako ki nai valu, era kena dau ni valu kei nai yaragi
kecega ni valu, era tamata yalodina ka dauvakarorogo; 38 O
ira kecega na tamata ni valu oqo, ka ra rawa ni maroroya nai
tutu, era lako mai ki Epironi ena yalo dina, me ra buli Tevita
me tui Isireli; kei ira kecega na Isireli era sa yalovata me ra
bulu Tevita me tui.**

**Luke 10:19 "Ka raica, Au sa solia vei kemuni na kaukauwa mo
dou lewa na gata kei na batibasaga, kei na nodra kaukauwa
kece na meca, ena sega tale ni dua na ka me rawai kemudou
mo dou ca kina.**

**2 Koronica 7:10 Na rarawa e vaKalou ena basika ga kina na
veivutuni, me rawati kina na bula, na ka oqo me kakua ni qai
veivutunitaki tale; baleta na rarawa e solia o vuravura sa yaco
ga kina na mate.**

**2 Timoci 2:25,26 Me ra vakavulici o ira na dauveisaqasaqa ena
yalo e malumalumu, me rawa ni na tara kina na Kalou na nodra
loma kaukauwa ka veivutuni sara, ka kila na dina. 26 Sa na qai
ra kilai yalodra ka raica ni ra coriti tu ena nona tudai qaseqase
na tevoro, ena nodra a vakabobulataki tu vua mera
talairawarawa tiko ena nona lewa.**

**Niemaia 4:15 Ni ra sa rogoca na keimami meca ni keimami sa
kila na veika oqo, na Kalou talega sa vakatawayagataka na
nodra i tuvatuva, ni keimami sa lesu tale ki na i tuvatuva ka sa
toso ga na cakacaka.**

**Same 73:24 O Ni na tuberi au ena Nomuni i vakasala ni oti o ya, o
Ni na ciqomi au ena vanua vakaiukuuku.**